

اداره مخصوصه

درسعادتنده باب عالی جاده سنده

محل اداره :

مشارف

۱۳۲۶

اخطار :

مسئله کوزه موافق آثار جدیدیه مع المنونیه

قبول اولنور

درج ابدلهین آثار اعاده اولنور

دین ، فلسفه ، ادبیات ، حقوق و علوم دن باحث هفته لاق رساله در

مؤسسه لری : ابوالعلا زین العابدین - ح . اشرف ادیب

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادتنده

ولایاتده

ممالک اجنبیه ده

درسعادتنده پوسته ایله کوندریلیرسه ولایات بدلی اخذ اولنور

ایکنجی جلد

۱۹ رجب ۳۲۷ پنجشنبه ۲۳ تموز ۳۲۵

عدد : ۴۸

صورت اعلان

بسم الله الرحمن الرحيم

صوك زمانلرده مسلمانلرك ، مدنيت و معارفه ترقى ايتمش اولان ديكر ائم واقوامك واصل اولدقلرى مرتبه ترقى اجتماعيه دن بك كرى قالمش بولقلرى ، بوكى احوال ايله اشتغالدن بر آن خالى اولميان بعض مسلمانلرك يوركنده ، دين اسلامه داخل اولان بدعتلرى آرايوب بولمغه ، مسلمانلرك ، ديكر ائم واقوامه مجارانا واونلرك اثرلرينه اقتفاء و سائل ترقى به نشب ايدرك مجتمعات راقبه انسانيه لوازمندن بولنان طريق حيات علميه صحيحه ده قطع مراحل ايلملرينه مانع ملل اجتماعيه بي تشخيص ايتمكه بيسوك بر ميل واهتمام توليد ايتمشدر .

غورين مومى اليهكم بوبابده بذل ايتمكه بولندقلرى جهد و مساعيه رغما بر جوق يرلرده مسلمانلرك قسم اعظمى علل مذكوره نك ادويه شافيه ايله تدوى ووسائل نافعيه بي بالاتخاذ بوكى امراض اجتماعيه دن توقى ايدلمسندن اعراض ايتمكه اولدقلرى كمال ناسف ايله كرليكده در ، سبى ايسه ظن اولنديغه كوره ، اشخاص غيرتمندان مومى اليهكم ميدانه قويتمش بولندقلرى ابحاث انفراديه نك صدى ، عددلرى يوزلرجه مليون لره بالغ اولوب عادتا متلاطم بردكردن فرقى بولميان او محيط عظيمى مختلف الجنس والسان اقوام اسلاميه طبقات كشفه سى بالنفوذ قولاقلرينه واصل اوله مامسندن ايلرى كللكده در . بوجهله يورككرنده تاثير مطلوب حاصل اوله ميه رق امراض اجتماعيه ودينه لرني ماحلات شافيه ايله تداويده بولناملرى حسييله هيئت مجتمعه لرني تبليك ، توكل ، جهالت كى ادران معتبه دن تطهيردن بر لحظه كرى قالميان ائم راقبه مصافه چيقامامقده درلر .

بوسيدن غيرتمندان مسلمانندن قريلى اسماعيل غصبرنسكى بك برنجى دفته سنده مصرده تجمع ايتك اوزره عمومى بر مسلمان قونفره سنك انعقادى تكليف ايتمشدر . بوقونفره نك انعقادندن مقصد ، بتون اقطار اسلاميه دن اعضا صفتيله كلوب قونفره ده بولنه جق افكار عاليه اصحابك وامت اسلاميه نك امراض اجتماعيه لرني آرا- شديروب بولمقله مشغول بولنان ذوات منوره نك نتايج بحث ونجرياتى قونفره ده موقع مذاكره وضع وامراض مذكوره نك معالجه سى ايجون الزم اولان ادويه حقنده تعاطى آرا ايدلمه سيدركه بو واسطه ايله بلكه مسلمانلر اطرافلريني صارمش اولان انحطاط وتأخر ك اسبابنه واقف اوله رق كوزلريني آچارلر ، متنبه اولورلر وكنديلريني سمادت حاله ، شهراه ترقى به وارديره جق وسائله نشب ايدرلر .

مومى اليه اسماعيل بكك بوتكليفى زمانمزرده ، مسلمانلردن جوغلك متأثر بولنديغى عيني آلام ايله متالم بولنان مصر ليلرجه دخى قبول ايدلمكه همان بر هيئت تأسيسيه تشكيل ورياستنده ، الازهر جامع شريفى شيخ سابق الشيخ سليم البشرى بي انتخاب ايتمشلردر . هيئت تأسيسيه مذكوره نك وظيفه سى اسماعيل بكك تكليفى هروجهله كوزدن

كجروب تنفيذ ايتك اولديغندن متعدد اجتماعه وقوعبولان مداولاتدن صكره بوامنيه خيريه بي قوه دن فعله چيقارمغه قرار ويرمشدر . هيئت تأسيسيه شوقرارينك انسانيت محبلرى ترقى ومدنيت طرافدارلرى جانبندن استحسان ايله قبول ايديله رك بوبابده هر نوع يارديمندن كرى قالمه جقلريني اميد ايدور .

هيئت تأسيسيه ، عمومى مسلمان قونفره سنك نظامنى ، موضوعى اعضالغه كيفيت قبولنى ، بين بر قانون وضع وطبع ايتمشدر كه بوبياننامه ايله برابر بتون اقطار اسلاميه ده منتشر مسلمان خزنه لرينه هيئت تأسيسيه جه ناملرى معروف بولنان وياخود نره لردن اولور ايسه اولسون اساميسى كوندريله جك فضلاى مسلمينه ارسال قيلنه جقدر . هيئت تأسيسيه وجه مذكور اوزره وقوعبولاجق اعلان دعوتك قونفره به اشتراك ياخود انسانيته خدمه و تعاون على الخير قاعده سنده اتباعاً قونفره به واعضاسنه معاونت ايتك آرزوسنده بولنان علمائى وفضلاى مسلمينه وصوله كافى عد ايتمش اولديغى كى قونفره نك انعقاد تاريخنك تعيينيده دعوتنامه نك هر طرفه نشرندن صكره به براقش در . قونفره نك مباحث ومذاكراتنه اشتراك آرزوسنى ميين ارباب علم وفضلدن وارد اولاجق قبولنامه لرك عددى كافى بر مقداره بالغ اولور اولماز قانوننامه نك يكرمى دردنجى ماده سنده توفيقاً قونفره نك تاريخ انعقادى اجتماعدن آلتى آى اول بتون اقطار اسلاميه ده نشر واعلان ايديله جكدر .

بوندن طولاي هيئت تأسيسيه ۱۳۲۶ سنه سنك ختامندن اول قو- نفره نك تاريخ انعقادى تعيين ايديله بيلمسى ايجون بودعوت نامه به واقف وياخبردار اولالرك قونفره به اشتراك ايتدكلريني ميين قبول نامه بي بر آن اول كوندرمه لرى موجودر . هيئت تأسيسيه قونفره نك حج ايلرندن اول انعقاد ايمه سى آرزوسنده بولنيور همان جناب حق كال فلاح ونجاح ايله توفيقات سبحانيه سنده مظهر بيورسون .

ازهر جامى شيخ سابق وهيئت تأسيسيه رئيسى

الشيخ سليم البشرى

۱۹۰۸ سنه سى مارت آخرنده مصردن كلور ايكن اوج كون تكرار استانبولده قلوب قونفره نظام نامه سنك عربى ، تركى قطعه لرني يلديزه تقديماً كوندردم . ايران سفيرى پرنس ميرزا رضاخان دانش و صدر اعظم بولنان دولتو فريد پاشايه دخى برر نسخه تقديم ايدرك ملاقات ايتدم . ميرزا رضاخان جنابلى مؤتمراسلامى فكرينى غايت خوش كوروب ايران ايشارى كسب سكونت ايتديكى حالده ايران فضلاى وعلمائى قونفره به اشتراك ايديه جكلرندن امين اولدقلريني بيان بيورديلر .

فريد پاشاييله ملاقاتم آيرجه بر صورتده جريان ايتدى . مؤتمراسلامى خصوصنده كورشمك استديكمى يازمشدم ؛ لطفاً بيورسونلر جوابى ويرلدى « يلديز » سكوت ايتديكى حالده صدر اعظم نهديه جك ديومراق ايديو رايدم ايجرويه كيردم ممكن اولدجه سكوته